



王陽明集十九終

別錄
公移

廿二

特 別
013
3196
20



陽明先生別錄卷之十四

公移七

征剿八寨斷藤峽

共四十五條

其一牌行右布

政林富副總兵張祐進剿方

畧三月十

據留撫田州思恩等處

地方右布政使林富原任副

總兵都指揮同知張祐

連名呈稱田州思恩平復居

民悉已各安生理土夷

亦皆各事農耕地方實已萬

幸惟八寨徃賊云云

就仰遵 勅諭事理量撥官

兵協同盧蘇王受等十

兵分路進剿除差官舍壹捧

甲子十七年
四月二十日
購求

令旗令牌分授督押十兵本院親至賓州思恩等處
相機調度面授方畧外為此牌仰右布政使林富副
總兵張祐即便統領官軍督發土目盧蘇王受等兵
夫從公堯思恩取路進剿後開寨分務要聲言各賊
累年殺害良民攻劫川縣鄉村之罪殲厥渠魁及其
黨與罪惡顯著者明正天討以絕禍根除臨陣擒斬
外其餘脇從老弱一切皆可宥免今茲之舉惟以定
亂安民為事不以禦武多獲為功各官務要仰體
朝廷憂憫困窮之心俯念地方久遭盜賊屠戮之苦
督各官兵目兵人等務殲真正惡目一洗民冤永除

民患以靖地方仍禁兵馬所過鄉村毋得侵擾民間
一草一木有犯令者仰即遵本院欽奉勅諭事理
當即處以軍法俱毋有違節制方畧自取罪戾

其二牌行水順宣慰司統兵致仕宣慰使彭
明輔進剿方畧

據分守潯梧等處左叅將署都指揮僉事張經等會
呈開稱斷藤峽牛腸六寺磨刀等處徑賊云合就
遵奉勅諭事理量調官軍協同湖兵乘輿剿撲為
此牌仰宣慰使彭明輔即便統率所領目兵分哨進
勦牛腸諸賊冠帶廕襲官男彭宗舜親督頭目彭明

弼彭杰等領湖兵八百隨同領哨指揮馬文瑞千戶
李宗武管等官兵二百五十名用鄉道黎散陸英黃
方保引路從龍村冲舊灣上岸四十五里徑冲牛腸
賊巢前路而入頭日向未壽嚴謹等領兵四百名隨
同領哨指揮王勳百戶蔣綸聶弘禮等官兵二百五
十名用鄉道韋英戴禮勝鍾讚等引路從龍村埠上
岸六十里徑冲賊巢後路而入未至信地三日之前
停軍中途候約叅將張經與同守巡各官議集先將
進兵道路之險夷遠近各巢賊徒之多寡強弱及所
過良民村分之經由往復面同各鄉道人等備細講

明務要彼此習識通曉然後刻定日時偃旗息鼓寂
若無人密至信地乘夜速發務使迅雷不及掩耳將
各稔惡賊魁盡數擒勦以除民害以安地方仍要禁
約目兵人等所過良民村分毋得侵擾一草一木有
犯令者當依軍法斬首示衆本官素懷忠義當茲委
用務要殫心竭力以益輸報 國之誠事完之日通
將功次解報紀功官處紀驗以憑奏 聞旌賞俱毋
違錯自貽悔累

其三牌行保靖宣慰司宣慰彭九霄進剿方
牌仰致仕宣慰使彭九霄即便統率所領目兵分哨

進剿六寺磨刀等寨諸賊就內分委頭目彭志明等領兵二百隨同領哨指揮唐宏百戶胡儀等官兵二百五十名用鄉道李賢引路至龍村埠上岸五十里徑衝六寺賊巢後路而入又委頭目彭九臯等領湖兵二百隨同原哨指揮卞琚千戶黃政等官兵二百五十名用鄉道韋扶錦引路至龍村埠上岸四十五里徑衝六寺賊巢前路而入又分委頭目彭輔等領湖兵二百隨同領哨指揮張縉千戶鄧瑛等官兵二百五十名用鄉道李芳引路至龍村埠上岸五十里徑衝磨刀賊巢後路而入又委頭目李英等領湖兵

二百隨同領哨千戶劉宗本百戶王神兒等官兵二百五十名用鄉道黃雲通引路至龍村埠上岸四十五里徑衝磨刀賊巢前路而去未至信地三日之前停軍中途候約叅將張經與同守巡各官集議先將進兵路道之險夷遠近各巢賊徒之多寡強弱及所過良民村分之經由往復面同各鄉道人等備細講明務要彼此習熟通曉然後剋定日期偃旗息鼓寂若無人密至信地乘夜速發務使迅雷不及掩耳將各稔惡賊魁盡數擒剿以除民害以安地方仍要禁約目兵人等所過良民村分毋得侵擾一草一木有

犯令者當依軍法斬首示衆本官素懷忠義當茲委
用務要殫心竭力以益輸報 國之誠事完之日通
將功次解報紀功官處紀驗以憑奏 聞旌賞俱毋
違錯自貽悔累

其四牌行左叅將張經守巡左江道叅議汪
必東僉事吳天挺進剿方畧

牌行左叅將署都指揮僉事張經會同該道守巡守
備官及湖廣督兵僉事汪濬都指揮謝珮督永順宣
慰彭明輔統兵進剿牛腸諸賊 云 及監督保靖宣
慰彭九霄統兵進剿六寺磨刀等寨諸賊 云 未至

信地三日之前停軍中途候約叅將張經與同守巡
各官集議先將進兵道路之險易遠近各巢賊徒之
多寡強弱及所過良民村分之經由徃復面同各鄉
道人等逐一備細講究明白務要彼此習熟通曉若
出一人然後尅定日時偃旗息鼓寂若無人密至信
地乘夜速發務使迅雷不及掩耳將各稔惡賊魁盡
數擒勦以除民害以靖地方除臨陣斬獲外其餘脇
從老弱一切皆可宥免今茲之舉惟以定亂安民爲
事不以多獲首級爲功各官務要仰體 朝廷憂憫
困窮之心俯念地方久罹荼毒之苦仍要禁約軍民

人等所過良民村分毋得侵擾一草一木有犯令者當以軍法斬首示衆本官既有地方責任兼復素懷忠義當茲委用務竭心力大展才猷以祛患安民一應機宜牌內該載不盡者聽公同各官計議從便施行一面呈報事完之日通將獲過功次開報紀功御史衙門紀驗以憑奏報仍密行總鎮鎮巡等衙門知會俱毋違錯

其五牌行湖廣督兵僉事汪濬都指揮謝珮牌仰督兵僉事汪濬會同都指揮謝珮及廣西左江道守巡守備等官監督承順宣慰彭明輔統兵進勦

牛腸諸賊云當依軍法斬首示衆本官既有監督責任兼復素懷忠義效隨地報乃其本心豈分異省有所不盡當茲委託務大展才猷以祛患安民一應機宜牌內未盡者公同各官計議從便施行事完之日通將獲過功次開報紀功官處紀驗以憑奏報俱毋違錯

其六牌行叅將沈希儀督兵防捕

三月二日

爲照八寨巢穴及斷藤峽等賊素與柳慶所轄地方徑撞村寨連絡交通誠恐乘機奔突亦合督兵防捕爲此牌仰叅將沈希儀照牌事理即便督率軍兵人

等於賊衝要路嚴加把截如遇奔突相機捕獲無容
逃遁仍要嚴禁下人惟在殄除真正賊徒不得妄殺
無辜及侵犯良善一草一木敢有違犯者即照軍法
斬首示衆所獲功次解送該道分巡官紀驗聽候紀
功御史覆驗造報軍中事宜牌內該載不盡者亦聽
本官徑自酌量而行一面稟報俱毋違錯

其七牌行左江道守巡官布發旗號三月二
牌仰左江道守巡官即將發去號色旗號等項公同
叅將張經收發各哨官兵人等及各良民村分應用
俱候事完之日照數取回差人解赴軍門交納以備

別用毋違

計開

黃布號色八千六百 良民村分旗一百

軍令五百張

黃招安旗一百

其八牌行左江道守巡守備等官

釋宥投
撫賊巢

照得白竹古陶羅鳳仙臺花相石馬等巢諸賊皆稔
惡多年在所必誅已經牌仰各官督兵進剿近據叅
將張經續稟仙臺花相石馬等獠一月之前皆各出
投撫願給告示從此不敢爲惡看得各徃投撫誠僞
雖未可料但既許其改惡若復進兵襲剿未免虧失

信義無以心服蠻夷亦合暫且寬宥容其舍舊圖新其白竹古陶羅鳳等賊負險桀驁略無忌憚若不加勦何以分別善惡明示勸懲爲此牌仰左江道守巡守備等官叅議汪必東僉事吳天挺叅將張經會同湖廣督兵僉事汪溱都指揮謝珮督同各宣慰等官俟牛腹等處事完之日即便移兵進勦白竹古陶羅鳳諸賊其領哨官員及引路鄉道人等俱聽叅將張經督同指揮周胤宗等分俵停當照例逐一講明然後分投速進縱使諸賊先已聞風逃避亦要嚴兵深入搗其巢穴以宣明本院聲罪致討之義一勦不獲

至於再再剿不獲至於三至於四務至於絕禍根不得以今次斬獲之少或遂濫及投撫賊巢虧失信義所損反多經過良善村分尤要嚴禁官土軍兵不得侵犯一草一木有犯令者即以軍法斬首示衆

其九牌行南寧府支給糧餉

四日十

照得本院見委柳州府同知桂鏊前去思恩等處督兵勦除流賊所有糧餉合行支給爲此牌仰本府官吏即於軍餉銀內動支六百兩秤付本官收領前去軍前支用就仰本官即便星夜前往督促各兵務將各寨稔惡賊徒盡數勦滅以絕禍根毋得容情放縱

致貽後患就將解到賊徒賊級即與紀驗明白事完之日通送紀功御史衙門覆驗奏報俱毋違錯

其十牌行副總兵張祐督諭報效土目

五月

案照先經行委副總兵張祐督率官土目兵人等進勦思恩八寨猺賊今據頭目盧蘇王受等稟報皆已攻破各寨斬獲賊級雖未日久苦亦無多且又未見獲有真正首惡中間恐有容隱脫放情弊合行戒諭督促爲此牌仰本官上緊親行督諭各頭目及土兵人等俱要協力齊心竭忠報効務圖勦滅以絕禍根庶可以表明各目盡忠圖報之真心若是少有縱容

復留遺孽亦是徒勞一場不足爲功適足爲罪非惟不能仰報 朝廷再生之恩其於本院所以勤勤懇懇不顧利害是非務要委曲成就爾等之意亦辜負矣牌至即以此意勉諭各目各兵此舉非獨爲除地方之害亦爲爾等建子孫久長之業盡此一番辛苦便可一勞永逸矣發去良民旗榜可給則給可止則止一應事機俱仰相機而行其號色等項已付思田報効人役徑自帶回分俵亦宜知悉

其十一牌行南丹衛指揮程萬全等

搜捕
通賊

據同知桂鏊稟報領兵土目盧蘇王受等各已屯兵

八寨斬獲賊首賊從數多巢穴悉已破蕩即今方在分兵四路搜剿及稱附近上林縣一十八村俱搬移上山躲住又訪得鐵坑那埋二堡賊村界連遷江洛春高徑大潘思盧北三向北夷撞村分今皆逃往潛住又訪得八寨賊徒我兵未進之前陸續出劫鄉村今皆不敢回巢散入賓州淶里并貴縣涼傘壘紙等夷撞村分藏躲合行分兵搜捕等因看得八寨匪賊稔惡多年攻劫鄉村殺害人民虜掠財畜百姓怨恨痛入骨髓今惡貫滿盈民怨神奴心巢穴破蕩分崩離析如失林之梟投置之兔迷魄喪魂正可羗獵而盡

是乃上天欲亡此賊之秋若不乘此機會奉行天討以雪百姓之冤以舒人神之怒以除地方之禍存其遺孽復爲他日根芽此豈爲民父母之心乎及訪得平日哨守八寨官兵人等徃徃與賊交通者據法俱應明正典刑今且姑未拏究容其殺賊報效立功自贖除各差官督剿外爲此牌仰指揮程萬全督率遷江所土官指揮黃祿千戶黃瑞百戶凌顯等各起集管下土兵人等前去北三思盧等處搜捕各賊仍行曉諭各良善向化村寨務將逃躲各賊盡數擒斬以泄軍民之憤獲功解報一體給賞若是與賊通謀

容留隱蔽訪究得出 國憲難逃如是各賊果有誠
心悔罪願來投撫立功報效者亦准免其一死帶來
軍門撫諭安插各官務要盡忠竭力上報 國恩下
除民患副軍門之委託立自己之功名仍督平日與
賊交通之人令其向道追捕痛加懲改及此機會立
功自贖果能奮不顧身多獲真正惡賊非但免其既
往之罪抑且同受維新之賞若猶疑貳觀望意圖苟
免定行斬首示衆斷不虛言本院數日之後亦且親
臨地方躬行賞罰仰各上緊立功毋自取悔
其十二牌行指揮孫繼武搜捕逆賊

牌仰指揮孫繼武等督率該所土舍梁甫韋玠韋錦
覃洪覃璋各起集土兵人等前去洛春高徑大潘等
處搜捕各賊仍行曉諭各良善 云 毋自取悔

其十三牌仰千戶丁文盛等搜捕逆賊

牌仰千戶丁文盛督率招至馬廷器等起集管下兵
款人等前去淶里等處搜捕各賊仍行曉諭各良善
云 毋自取悔各官及舍日兵夫人等獲有功次俱
仰解送右江道兵備官處紀驗明白一體給賞

其十四牌行副使翁素招復良民 五月初一日

仰右江道副使翁素即便選委的當官員帶同上林

縣知縣因曉事之人將一十八村搬移上山者通行
招回復業給與良民旗榜使各安守村寨仍諭以其
間有與賊交通結親往來者但能搜捕賊徒立功自
贖既不追論既往一體給賞仍要催督分差各官上
緊搜捕毋令各賊奔逃漸遠曉諭各該地方良善向
化村寨務將逃躲各賊盡數擒斬云若猶疑貳觀
望意圖苟免定行斬首示衆斷不虛言各該官舍目
兵人等若有解到功次即與紀驗明白以憑照例給
賞事完之日通送紀功御史衙門覆驗奏報一應事
宜牌諭所不能盡者就與副總兵張祐計議施行一

百呈報本院不久亦且親臨各該地方躬行賞罰仰
各上緊立功毋自貽悔

其十五牌行知州林寬謹軍贊畫

五月初七日

今查知州林寬齋文前往賓州思恩等處公幹就仰
本官在右江道守巡官處隨軍贊畫一應機宜不時
差人前赴軍門稟報其領兵頭目盧蘇等亦要遣人
催促上緊勦捕立功報効毋得怠墮放縱玩廢日月
徒勞無功本官務要盡心竭慮以副委託

其十六牌行委官應驄督諭土目

五月初九日

看得田州思恩領兵頭目盧蘇王受等所領目兵皆

係驍勇慣戰之人今又各爲身家子孫之計自願出力報效立功贖罪既已攻破賊巢分屯其地則其搜捕潰散之賊當如探囊取物數日可盡今已半月有餘尚未見有成功氣勢日見萎靡此必軍中收有賊巢婦女等項貪戀女色財物不肯割舍脫離奮勇殺賊苟且偷安遂致兵氣日衰軍威不振若諸賊聞此消息乘此懈怠掩襲不備我軍必致撓敗如此則是各目此舉本欲立功而反敗事本欲贖罪而反增罪非惟不能仰報 朝廷之德而抑且有損軍門之威矣正名定罪後悔何及爲此牌仰原任戶部郎中今

降徐聞縣縣丞林應驄齎執 令旗令牌會同總兵監軍等官公同署田州府事知州林寬身督領兵頭目盧蘇等閱視各營但有收得賊巢婦女財物者通行搜出俱各開紀名數別立老營一所選委老成頭目另撥謹實小心兵夫晝夜管守將各貪戀女色財物不肯奮勇殺賊頭目兵夫姑且免其罰治責令即出搜山果能多有擒斬旬日之內功成班師仍將前項婦女財物照名給還亦不追究前罪若有貪戀女財違犯軍令仍前不肯効力者仰即遵照軍門號令當時斬首示衆斷毋姑息容忍致敗三軍大事蓋前

日之招撫專以慈愛惻怛為念者乃是本院憐憫兩府之民無罪而就死地是乃父母愛子之心惟恐一民不遂其生也至於今日用兵却須號令嚴明有功必賞有罪必戮者乃是本院欲安兩府之民使之立功贖罪以定其身家而因以除去地方之患是乃帥師行軍之道不如此不足以取勝而成功也差去旗牌官員務要星火催督毋事姑息若旬日之後再無成功本院親臨分地定元將監軍督軍等官明正軍法其推奸避事不肯奮勇殺賊頭目通行斬首決不虛言

共十七牌仰委官季本

俱五月初九日

牌仰原任監察御史今降揭陽縣主簿季本齎執令旗令牌前去會同總兵監軍等官公同署思恩府事同知桂鏊身督領兵頭目王受等閱視各營但有云決不虛言

其十八牌行兼管柳慶地方叅將沈希儀

五月初九日

近因八寨猶賊稔惡已經調發思田目兵攻破賊巢方在分投搜捕訪得八寨後路潛通柳州又有一路與韋召假賊巢相通皆未委虛的合行密切查處為

此牌仰叅將沈希儀即行密訪若果有潛通賊路就將本官從宜相機行事或從彼地掩襲韋召假賊巢就從本巢徑趨八寨後路或以迎候本院爲名徑來賓州督調別項軍兵就從八寨取道然章將勇兵精又得知因向道可以必勝本院亦無意必之心俱聽本官相機量力可行即行可止即止牌至務在慎密毋令一人輕泄

其十九牌行歸順州官男岑嶽

五月初十日

牌仰歸順州官男岑嶽挑選部下驍勇慣戰精兵二千名各備鋒利器械親自統領前赴軍門面授約束

有事差委所帶兵夫但有精勇不許徒多軍門不差旗牌官員正恐張揚事勢騷擾地方故今止差叅隨百戶扈濂前去密切督調前月官男赴軍門叅見已曾當面分付牌至限三日內即便起程星夜前來毋得循常遲慢違悞刻期定行究治決無虛言

其二十牌行東蘭州知州韋虎林撲剿逋賊

除行守備叅將沈希儀相機行事及差南寧衛鎮撫朱鈺齎捧令旗令牌前去督調外牌仰東蘭州知州韋虎林挑選驍勇慣戰精兵三四千名親自統領就於該州附近三旺德合等處取道密切進兵撲剿

下邑中寨尋令東鄉馬攔南嶺親村英村落村等寨賊首韋召假召蠻召曠召院召僚召號召旺天蠟公線仲言轉周韋馬覃文祥等務要盡數擒斬以靖地方所獲功次通行解赴軍門以憑紀驗給賞如遇叅將沈希儀已到地方仍聽節制行事若是尚未來到仰即火速進勦不必等候以致張揚泄漏失悞事機罪有所歸

其二十一 批左江道紀驗賊級呈

五月二十六日

據僉事吳天挺呈獲過牛腸六寺古陶羅鳳等處山巢賊級中間無小功者應否紀驗看得各處用兵多

因貪獲首級不肯奮勇破敵往往多致失事是以前月發兵之日本院分付督兵官各務以破巢誅惡爲事不以多獲首級爲功今若以無小功之故不與紀驗即與前日號令自相矛盾矣其湖兵破巢首級雖無小功仰該道仍與紀驗至於官軍人等勦捕所獲仍照常規施行繳

其二十二 牌委左江道僉事吳天挺犒賞湖

兵 六月初

照得廣東永保二司官舍頭目土兵先該本院撒放回還道經潯州等處已經行仰該道守巡等官督押

前進乘便剿除稔惡徃賊隨已破蕩巢穴擒斬數多
回報前來就經牌仰各官仍押各兵直抵桂林地方
交替及行叅議汪必東就於梧州府庫量支軍餉銀
一二千兩帶去省城聽候本院親行犒賞今照本院
因地方有事兼患腫毒未能親往行委該道僉事吳
天挺前去省城代行賞勞爲此牌仰本官即查前項
銀兩若未動支就於該府軍餉銀照數動支二千兩
委官管領隨帶廣西省城聽候支給犒賞湖兵等項
應用完日開數查考

其二十三牌仰僉事吳天挺獎勵監督官

六月初十日

照得廣西先因思田等處土酋倡亂徵調湖廣未保
二司宣慰舍目人等坐委僉事汪溱都指揮謝珮統
領前來聽調勦殺後因各酋自縛投順班師回還又
該軍門行委各官統領乘便征勦潯州牛腸六寺及
平南仙臺花相等山積年稔惡賊寇遂能攻破堅巢
多有斬獲雖各宣慰素懷報國之心舍目人等并
心協力奮勇效命亦由監督各官設策運謀用能致
有成功今師旋有日所據宴勞之禮相應舉行但本
院見征八寨徃賊未能親至省城大享軍士合就先

行獎勞為此牌仰本官即便親詣省城公同布按二司掌印等官將軍門發去綵段銀花等物照數備用鼓樂導送僉事汪濬等收領用見本院嘉獎宴勞之意仍行鎮巡衙門知會

其二十四劄付保靖宣慰司官舍彭蓋臣

六月初十日

據湖廣上湖道僉事汪濬呈據辰州衛部押指揮張恩呈據舍目彭九臯等告稱嘉靖五年奉調征勦田州有蔭襲官男彭虎臣同弟彭良臣自備衣糧報效蒙授彭虎臣冠帶殺賊後因陣亡蒙軍門奏奉

依勘合內開彭虎臣歿於王事情可矜憐贈指揮僉事移恩弟彭良臣就彼冠帶襲替宣慰使職事免其赴京伊父彭九霄仍陞湖廣布政司右叅政准令致仕除欽遵外近奉軍門復調征勦行令致仕宣慰彭九霄親統啓行不意宣慰使彭良臣在任病故有彭蓋臣係宣慰的親次男見年一十四歲與故兄彭良臣同母冉氏所生應該承襲別無違礙乞比照承順土舍彭宗舜事例賜給冠帶撫管地方等情為照土官襲替必經原籍該管衙門委官重覆查勘今彭蓋臣不在隨征之列未經結勘但伊父彭九霄見在統

兵本舍又稱選帶家丁三千名前來報效似應俯從
呈詳到爵爲照彭蓋臣本以童子早著英風自選家
丁隨父報效即其一念報國之誠已有可嘉况又
查係應襲次男近日報效家丁於潯州平南諸處又
能奮勇破賊斬獲數多則蓋臣身雖不出戶庭而功
已著於異省除別行具題外合就遵照欽奉勅
諭內便宜事理給與冠帶爲此劄仰官舍彭蓋臣先
行冠帶就彼望闕謝恩撫管地方仍須立志持身
正已律下顧章服之在躬思成人之有道念傳世之
旣遠期紹述於無窮益竭忠貞以圖報稱先具冠帶

日期依准繳報仍徑行本省鎮撫衙門知會毋得違
錯

其二十五牌仰僉事吳天挺獎勞統兵土官

六月初十日

照得先因思田等處土酋倡亂復調永保二司宣慰
彭明輔彭九霄各統領舍目人等聽調勦賊後因各
酋自縛投順班師回還又該軍門行委各統領乘便
征勦潯州牛腸六寺及平南仙臺花相等山稔惡賊
寇遂能攻破堅巢多有斬獲是皆各宣慰及伊官男
平日素抱忠誠報國之心故能身督各舍目人等并

心協力奮勇効命致有成功今師旋有日所據宴勞之禮相應舉行但本院見征八寨徭賊未能親至省城大享軍士合就先行獎勞爲此牌仰本官即便親詣省城公同布按二司掌印等官將軍門發去禮物照依後開數目各用鼓樂送發宣慰彭明輔彭九霄等收領用見本院嘉獎宴勞之意各宣慰官舍日兵人等查照單開等則逐一支出賞犒就彼督發各兵回還休息支過數目開單查考仍行鎮巡衙門知會

其二十六牌行賓州預處兵屯

五月十日

照得本院不日進駐賓州督調軍馬誠恐該州居民房屋稀少跟隨官兵無處屯住爲此牌仰本州官吏即於州城內外寬平穩便去處量搭營房多或百餘間少或數十間聽候本院至日分撥官兵人等屯住毋得違悞

其二十七牌委通判陳志敬起調鄉兵

六月十日

先該本院進剿八寨賊巢已破但餘黨逃遁尚須追捕訪得各處鄉民素被前賊劫害多有自願出力殺賊報讐及訪得武緣縣地名嬰墟等處鄉兵素稱驍勇慣戰皆肯爲民除害已經牌差經歷羅珍等前去起調誠恐各官因循姑未究治看得通判陳志敬莅

官日又前項嬰墟等處鄉兵曾經訓練頗得其心合
委催督爲此牌仰本官速往嬰墟等處即將前項鄉
兵量行選調多或一千五百名少或八九百名各備
鋒利器械仍督經歷羅珍等分統前赴賓州照名關
支行糧等項就彼相機攻勦前賊仍聽叅將沈希儀
調度節制獲有功次一體重加旌賞仍諭以當此農
忙暑月本院亦不忍動勞爾民但欲爲爾民除去地
方之害不得已而爲此爾等各宜仰體此情務各盡
心効力以報爾讐是亦一勞永逸之事先將調過名
數并起程日期隨牌回報查考

其二十八牌委指揮趙璇督剿逋賊

六月二十五日

牌仰指揮趙璇前去督哨副總兵張佑處查審各寨
稔惡徃賊曾否勦絕各兵見住何處聞已出屯三里
仰就各營土兵目夫凡有疾病老弱者俱令在營將
息調理其精壯驍勇目兵仍仰本官務要三四日或
五六日督令入山巡勦一番出意外之奇以示不測
之武須候各山果無潛遁之奸各巢已無復歸之賊
俟軍門牌至方許回兵仍諭土目盧蘇王受等以如
此炎毒天氣如此暑雨連綿各兵久在山中辛勤勞
苦本院非不惓惓憂念但一則欲爲爾等立功一則

陽明別錄卷之五
三
欲爲地方除害心雖不忍久勞爾等而勢有所不能已也爾等其務體本院之意再耐旬日之苦以成百年之功毋得欲速一時致貽後悔事完之日通至賓州本院親行犒賞就領牌劄仰各知悉

其二十九牌行右江道犒賞土月

七月初三日

看得思田頭目盧蘇王受等率領部下兵夫征勦八寨搜屯日久勞苦寔多合行量加犒賞爲此牌仰右江道分巡官即行賓州起撥夫款人等將見貯軍餉糧米照依後開數目運赴三里地方各目劄營去處分給各兵以見本院犒賞之意開數繳報查考

其三十牌行副總兵張佑督勦綠茅諸巢

訪得上林相近地方如綠茅等村皆係陽招陰叛與八寨諸賊裏應外合積年流毒地方即其罪惡尤有甚於八寨諸賊若不勦滅終遺禍根爲此今差指揮趙璇賚牌前去督哨副總兵張佑處計議仰即密召領兵頭目盧蘇王受等令各挑選精兵一千或一千五百以搜巡八寨爲名當日乘夜速發分道夾勦後開各賊村分務要殲除黨與蕩平巢穴若是各賊奔竄大名深山各兵就可留屯其地食其禾米六畜分兵探賊向往追捕本院先曾發有武緣鄉兵分搜大

名諸山遙計此時各賊正回山下各村躲住及今往
勦正合事機仰諭各目務要潛機速發不得遲留隔
宿必致透漏消息徒勞無功發兵進勦之後一面差
人飛報

計開

綠茅

通親

綠小

批頭

羅煖

其餘各巢不能盡開須要量其罪惡大小可勦則
勦可撫則撫相機而行

其三十一牌行右江道督調報効頭目

照得本院見在進兵征勦八寨徭賊而鎮安頭目岑

瑜等率領日兵四百五十名前赴軍門自願隨殺賊
報効意有可嘉除量行犒賞外仰分巡右江道官將
各目兵即行照名給與行糧一月就發都指揮高崧
哨內聽憑督調殺賊獲有功次一體解驗以憑給賞
施行

其三十二牌行署思恩府事同知桂鏊賑給

報効土月

八月初

照得思田二府頭目盧蘇王受等率領部下兵夫自
備衣糧征勦八寨徭賊渠魁殄滅群黨削平即今地
方寧靖旋師 奏凱實由各目兵夫不避炎蒸奮勇

効勞但進兵以來妨廢一年耕種况今青黃不接之時部下兵夫家屬未免缺乏相應量為賑給以慰人心為此牌仰同知桂鏊即便會同南寧府掌印官將該府軍餉糧米魚鹽內照依開數支給各頭目收領但念思恩南寧道里相去隔遠糧米搬運不便合就於武緣縣見貯軍餉米內支給與各領用以見本院體恤之心仍開給散過數目繳報查考毋得違錯

其三十三牌行署田州府事知州林寬給發軍賞即便會同南寧府掌印官將該府見貯魚鹽軍餉糧米內照依後開數目分

給各目收領食用以見本院體恤之心仍開給散過數目繳報查考

其三十四牌行南寧府犒賞官兵

八月初九日

照得八寨積為民患今克勦滅罷兵息民此實地方各官與遠近百姓之所同幸昨日敷文之宴已與百姓同致其喜而犒賞尚未及行為此牌仰南寧府官吏即與動支庫貯軍餉銀兩照依後開則例買辦綵幣羊酒分送各官用見本院嘉勞之意開報查考

其三十五批左江道清查賊田呈

四月初一

據僉事吳天挺呈稱遵奉軍門方畧勦平牛腸六寺

磨刀等賊所有賊田合行清查免致紛爭宜選委府
衛賢能官親查酌量應給還良民者明立界至給還
原主耕種係賊開墾者丈量頃畝均給各里并各招
良民佃種俱候成業一年方行起科納糧免差本院
之意正欲如此區處據呈足見該道各官用心之勤
悉准照依所議就仰行委該府衛賢能官各一員親
臨踏勘清查明白酌量給派招佃具由呈報

其三十六牌行左江道綏柔流賊

五月初三日

據左江道叅議等官汪必東等呈稱古陶白竹石馬
等賊近雖誅勦然尚有流出府江諸處者誠恐日後

為患乞調歸順土官岑瓏兵一千名萬承龍英共五
百名或韋貴兵一千名住劄平南桂平衡要地方及
該府知府程雲鵬等亦申量留湖兵及調武靖州狼
兵防守等因始觀論議似亦區畫經久之圖徐考成
功終亦支吾目前之計蓋用兵之法伐謀為先處夷
之道攻心為上今各徃征勦之後有司即宜誠心撫
恤以安其心若不服其心而徒欲久留湖兵多調狼
卒憑藉兵力以威劫把持謂為可久之計則亦未矣
殊不知遠來客兵怨憤不肯為用一也供饋之需稍
不滿意求索訾詈將無抵極二也就居民間騷擾濁

亂易生讐隙三也因頓日久資財耗竭適以自弊四也欲借此以衛民而反爲民增一苦欲借此防賊而反爲吾招一寇各官之意豈不虞各賊乘間突出故欲振揚兵威以苟幸目前之無事抑亦不睹其害矣前歲湖兵之調旣已大拂其情乃今復欲留之其可行乎夫刑賞之用當而後善有所勸惡有所懲勸懲之道明而後政得其安今稔惡各徃舉兵征勦刑旣加於有罪矣然破敗奔竄之餘即欲招撫彼亦未必能信必須先從其傍良善各巢加厚撫恤使爲善者益知所勸而不肯與之相連相比則黨惡自孤而其

勢自定使良善各巢傳道引諭使各賊咸有回心向化之機然後吾之招撫可得而行而凡綏懷御制之道可以次而舉矣夫柔遠人而撫戎狄謂之柔與撫者豈專恃兵甲之盛威力之強而已乎古之人能以天地萬物爲一體故能通天下之志凡舉大事必順其情而使之因其勢而導之乘其機而動之及其時而興之是以爲之但見其易而成之不見其難此天下之民所以陰受其庇而莫知其功之所自也今皆反之豈所見若是其相遠乎亦由無忠誠惻怛之心以愛其民不肯身任地方利害爲久遠之圖凡所施

爲不本於精神心術而惟事補輳掇拾支吾粉飾於
其外以苟幸吾身之無事此蓋今時之通弊也合就
通行計處仰抄案回道即行知府程雲鵬公同指揮
周胤宗及各縣知縣等官親至已破賊巢各鄰近良
善村寨以次加厚撫恤給以告示犒以魚鹽待以誠
信敷以德恩喻以 朝廷所以誅勦各賊者爲其稔
惡不悛若爾等良善守分村寨我官府何嘗輕動爾
等一草一木爾等各宜益堅向善之心毋爲彼所扇
惑搖動從而爲之推選衆所信服立爲酋長以連屬
之優其禮待厚其犒賞以漸緩來調習使之日益親

附又喻以稔惡各賊彼若不改一征不已至於再再
征不已至於三至於四五至於六七必使滅絕而後
已此後官府若行勦除爾等但要安心樂業無有驚
疑若各賊果能改惡遷善實心向化今日來投今日
即待以良善即開其自新之路决不追既往之惡爾
等即可以此意傳告開喻之我官府亦未嘗有必欲
殺彼之心若彼賊果有相引來投者亦就實心撫安
招來之量給鹽米爲之經紀生業亦就爲之選立酋
長使有統率毋令渙散一面清查侵占田土開立里
甲以息日後之爭禁約良民毋使乘機報復以激其

變如農夫之植嘉禾而去莠莠深耕易耨芸蓄灌溉
專心一事勤誠無惰必有秋穫夫善者益知所勸則
助惡者日衰惡者益知所懲則向善者益衆此撫柔
之道而非專有恃於兵甲者也至於本院近行十家
牌諭誠亦弭盜安民之良法而今之有司槩以虛文
抵塞莫肯實心推求舉行雖已造冊繳報而尚不知
其間所屬何意所處地方該道仍要用心督責整理
誠使此法一行則不待調發而處處皆兵不待屯聚
而家家皆兵不待蓄養而人人皆兵無餽運之勞而
糧餉足無關隘之設而守禦固習之愈久而法愈精

行之彌廣而功彌大其前項區處摘調之兵有虛名
而無實用可張皇於暫時而不可施行於永久者勞
逸煩簡相去遠矣惟有議該府議欲散撤雇倩機快
等項調取武靖州土兵使之就近防守一節區畫頗
當然以三千之衆而常在一處屯頓坐食亦未得宜
必須分作六班每五百名爲一班每兩箇月日而更
一次若有鷓勳等項然後通行起調然必須於城市
別立營房毋使與民雜處然後可免於騷擾嫌隙蓋
以十家牌門之兵而爲守土安民之本以武靖兵調
之兵而備追捕勦截之用此亦經權交濟相須之意

合就准行仰該道仍將行糧等項再議停當備行該
州土目人等遵照奉行自今以後免其秋調各處哨
守等役專在潯州地方聽憑守備叅將調用凡遇緊
急調取即要星馳赴信地不得遲違時刻守巡各官
仍要時加戒諭撫輯毋令日久玩弛又成虛應故事
本院疎才多病精力不足不能躬親細務獨其憂患
地方欲爲建立久安長治一念真切自不能已是以
不覺其言之叨叨各官務體此意毋厭其多言而必
務爲紬繹毋謂其迂遠而必再與精思務竭其忠誠
務行其切實同心協德共濟時艱通行總鎮總兵鎮
巡等衙門知會仍行三司各道守巡守備等官事有
相類者悉以此意推而行之發去魚鹽或有不足再
行計處定奪

其三十七告諭村寨

五月初五日

近因牛腸等寨積年稔惡是以舉兵征勦爾等良善
村寨我官府自加撫恤決無侵擾各宜益堅爲善之
心共享太平之樂其間平日縱有罪犯從今但能中
心改過官府決不追論舊惡毋自疑沮或爲彼所扇
惑自取滅亡後悔無及就使已勦餘黨果能悔罪自
新官府亦待以良善一體撫恤若是長惡不悛一勦

十勦至於百勦必加殄滅斷不虛言爾等各寨爲善
爲惡日後自見各宜知悉

其三十八牌行潯州府知府招撫殘賊

照得潯州等處稔惡猥賊旣已明正討伐其奔竄殘
黨亦各撫處但其驚懼之餘未能遽信必須先將附
近良善厚加撫恤使爲善者益知勸勉然後各賊漸
知歸向方可以漸招撫除行守巡該道施行外牌仰
知府程雲鵬等即行會同指揮等官周胤宗等及各
縣知縣等官分投親至良善各寨照依案驗內開諭
事情諄復曉諭就將發去告示魚鹽量行分給務使

向善之心愈加堅定毋爲殘賊所誘則良民日多而
惡黨日消又因而使之勸諭各賊令各改過自新果
有誠心來接者即與招撫就便清查侵占田土以絕
後爭推選衆所信服之人立爲頭目使各統領毋令
散亂以漸化導務使日益親附庶幾地方可安而後
患可息各官務要誠愛惻怛視下民如己子處民事
如家事使德業垂於一方名實施於四遠身榮功顯
何事不可如其苟且目前虛文抵塞欺上罔下假公
營私非但明有人非幽有鬼責抑且物議不容 國
法難追各官勉之戒之

其三十九牌行右江道副使翁素議立縣衛
看得八寨猥賊稔惡爲患巢穴連絡千里實爲廣西
衆賊之淵藪近該本院進勦掃蕩巢穴若不及今設
置軍屯衛縣據其心腹要害以阨塞各賊呼吸之咽
喉斷絕各賊牽引之脈絡不過數年又將屯聚生息
禍根終未剪除本院身親督調各兵看得周安堡正
當八寨之中而三里堡亦當八寨之隘俱各山勢回
抱堪以築立城郭移衛設縣但未經廣詢博訪詳審
水土之善惡民情之逆順中間有無利害得失擬合
再行查訪爲此牌仰分巡右江道兵備副使翁素會

同該道分守官即便督同同知桂葵指揮孫綱等帶
領高年知識親至其地經營相度若果風氣包完水
土便利即行料理規制景定方向各另畫圖貼說仍
要咨訪父老子弟通曉賊情習知民俗者即今移立
衛縣其於四遠賊巢果否足能控制民情有無便益
妨損務在人心樂順足爲經長永久之計然後備由
呈來以憑會奏就將築立城垣合用木石甄灰人夫
匠作料價工食等項議估停當具揭呈來以憑先行
一面委官分督辦理及時興工毋得忽意苟且玩愒
遲延致悞事機

其四十批右江道議立縣衛呈

據副使翁素呈議得南丹衛城垣并鳳化縣城垣合用銀兩看得該道議於八寨地方移立南丹衛三里地方移設鳳化縣俱各查訪相應人心樂從其築立城垣起造公廳等項料價工食一應合用銀兩既經該道守巡官公同計議停當南丹衛該銀三千六百四十五兩鳳化縣該銀三千一百七十六兩其食米南丹衛一萬石鳳化縣八千石每石價銀三錢共該銀五千四百兩見今各處倉廩貯有銀米尚敷支給俟候缺米之日照數給價先各量支一半收貯聽用

南丹衛一千五百兩鳳化縣一千二百兩准議於南寧府庫貯軍餉銀內支給該道各官仍要推訪力量廉能官各一員委同該衛指揮孫綱及該縣掌印哨守官親至南寧府照數支出三百秤對匣收領付賓州庫寄貯置立支銷文簿該道行印鈐記各付一本收執每用銀兩即同該州官開封動支照數登記務在實用不得花費分毫工完之日開數繳報通將各支銷簿會合查考該道守巡官仍要不時親詣調度督促工程務在精緻堅牢永久無壞當茲盜賊蕩滅之餘况又秋冬天氣正可及時工作各官務在上緊

催督晝夜鳩工不日而成一則可以速屯防守之官
兵二則可以不妨來歲之農作城完之日本院自行
旌保擢用決不虛言各官必須視如家事刻刻盡心
仰稱 朝廷之官職中副上司之委任內以見自己
之功勞外以垂一方之事業豈不事立身榮功成名
顯垂譽無窮者哉若其因循玩愒墮績廢事非獨自
取敗壞抑且罪責難逃仰該道備行各官查照施行
其務體本院勤勤囑付之意毋負毋負此繳

其四十一批叅將張經撫恤來降呈

據叅將張經呈稱武靖州耕守黃璋等一十四名被

十冬總甲黃鄧護等妄捏窩賊乞行釋放仍給榜諭
看得本院屢經牌仰該道該府等官將各向化良善
村寨加意撫恤懷柔以收其散亡之勢而堅其向善
之心庶使遠近知勸而惡黨自孤各官略不體承本
院勤勤懇懇之意肆志妄行輕信十冬奸民之言輒
便推求往事爲之報復舊讐沮抑歸向之望驚疑反
側之心聽其所爲必成激變後雖寸斬奸民之骨固
亦何救地方之患所據違法各官即合治以軍法姑
且記罪再行飭諭仰將見監黃璋李舉等一十四名
即行釋放仍加慰諭令其復業寧家其十冬黃鄧護

等監候本院撫臨解赴軍門發落今後仍要備細開
諭該府該縣十冬里老人等各要守法安分務以寧
靖地方爲重不得乘機挾勢侵剝新舊投撫之人脇
取財物泄憤報怨及至釀成變亂却又貽累地方勞
煩官府今後有違犯者體訪得出或被入告發決行
拿赴軍門治以軍法斷不輕恕仍將發去告示即行
刊刻給赴十冬里老人等遵照奉行具遵行過緣由
繳報

其四十二生諭十冬里

告諭各該地方十冬里老人等今後各要守法安分

務以寧靖地方爲心不得乘機挾勢侵迫新舊投撫
獍狴等人因而脅取財物報復舊讐以致驚疑遠近
阻抑向善之心有違犯者官府體訪得出或被入告
發定行拿赴軍門處以軍法決不輕恕訪得該府地
方有等奸惡十冬擅將投附獍民綁拿殺死者仰府
通行訪拿從重究治

其四十三批右江道計築思恩府城呈

八月十
五日

據副使翁素呈估計起造思恩府城池等項通用銀
八千五百五十七兩零看得思恩府城垣仰行知府
桂鏊自行督工起築合用料價工食等項銀兩准照

議於南寧府軍餉銀內動支就仰桂鏊公同該府掌印官當堂秤明匣鎖領回寄貯賓州庫內查明前批南丹衛事理置立文簿支銷該道守巡官仍要不時親至地方料理催督務要修築堅固工程早完事畢開報查考緝

其四十四批叅政沈良佐議處五屯呈

看得五屯係遠年賊巢要害之處而備禦廢弛若此正宜及此平蕩之餘經理修復今該道各官公同議要將城垣展拓建置守備等衙門及將該所分調各處哨守旗軍盡數取回調用廣東協守官軍發還原

衛缺伍種軍清查足數每年貼贖藤縣甲首銀一百兩通行除免查編甲軍務足千名之數議處悉當除本院已經依議具奏外仰該道各官照議施行仍行總鎮總兵及鎮巡等衙門知會該府縣衛所等官俱仰查照施行繳

其四十五牌行柳州衛指揮李楠守備賓州先該本院分道進勦八寨及於八寨周安堡移設南丹衛以控制要害查將遷江等所通賊指揮王祿等明正典刑斬首示衆及將各該目兵通發烟瘴地方哨守後因王祿等哀求免死容令各領目兵殺賊贖

罪就委南丹衛指揮孫綱監督王祿等各領土目兵夫人等與同該衛所官軍前去八寨周安堡相兼屯劄搜勦遁賊及將移設衛所估筭合用石木磚瓦匠作人夫工食等項一面擇日興工先築土城設立營房以居兵衆又委南寧府同知陳志敬支領軍餉銀兩前去協同督理俱具 奏行事外今訪得王祿等與孫綱舊連姻婭而該衛各官又皆親舊狎恩恃愛不聽約束所據違梗各官俱各從重究治姑且記罪合行改委看得指揮李楠年力富強才識通敏頗有操持能行紀律爲此牌仰本官即便前去守備賓州

及新政南丹衛地方遵照本院欽奉 勅諭便宜事理暫以都指揮體統行事仍聽副總兵及該道守巡兵備官節制該衛各官及土官王祿等敢有違犯約束者當即治以軍令本官務要殫忠竭力展布才猷與同南寧府同知陳志敬上緊起築城垣相機撫勦餘賊務建奇功以靖地方以副委任事完之日奏功擢用決不相負若玩愒日月苟且因仍事無成效罪亦難逭一應機宜牌內該載不盡者俱聽從宜區處就近於該道守巡等官處計議施行事體重大者一面申稟軍門本官合用廩給等項聽於賓州軍餉銀

陽明先生別錄卷之十四
內支給指揮孫綱仍照舊掌管衛印通行總鎮總兵
及鎮巡衙門知會

陽明先生別錄卷之十四

書陽明先生文錄後

天生聖人則道在天地者在聖人聖人之生也不偶
則亦不數是故星虹肇皇丹陵毓帝尼山啟聖皆有
以繼天立極維持世教參合三正故曰天地設位聖
人成能嗣是而日更月化生有所乎萌死有所乎歸
相反無端莫知其所窮聖人之道遂爲天下裂其在
于今腥習旣蠲文物聲明則適因夫氣機之交肅肅
赫赫者訢合無間吾越陽明先生生焉茲非其會歟
先生天符耀異斧藻自克龍場居困窮徹性靈前所
不傳則挈其幽後所不喻則通以叡昭揭良知開示

心印著爲格物修道明善誠身心理無二知行合一
之訓累數千萬言罔非闡揚良知之本體究極其妙
用之顯行博約不殊歸精一不異指先生亦自信曰
天地不悖鬼神不疑聖人不惑然則先生者謂之今
之聖人非耶雖然先生實學則在致其良知匪徒標
異自辟門戶備錄載言炳炳無設故聖人之道歸焉
學者誦先生之書涵詠而真者完磨刮而明者具宛
乎克復危微之本宗否則其不嗤於斲輪者幾希昭
也庸鹵愧無以窺聖人之藩園覩天地之純全將奉
先生之學持循以有入故書茲簡末以自警自惕云

歲在

嘉靖乙卯夏六月丁卯巡按陝西監察御史朱嘉後
學孫昭頓首拜識

